

Boletin informativo 2025



PCN

PENSIOENFONDS
CARIBISCH
NEDERLAND



Desaroyo positivo

Gustosamente mi ta presentá bo nos boletin informativo. Bo ta lesa entre otro tokante e Órgano di Konseho i Responsabilisashon. Despues a lanta e promé asosiasion di penshonadonan pa islanan BES i nos por a topa atrobe

hopi penshonado entusiasá na e enkuentro na Sint Eustatius. E enkuentronan na Saba i Boneiru ta den tapara ainda i ansiosamente nos ta en espera di esei. Tambe nos a haña un ofisina nobo i bunita den The Hill Compound ku ta completamente restorá na Sint Eustatius.

Finansieramente PCN ta muestra un desaroyo positivo. E relashon entre e fondo i tur penshun ku nos mester paga awor i despues, ta e grado di kobertura. Si esaki ta 100%, e ora ei nos tin nèt suficiente sèn pa paga tur penshun kuné. E grado di kobertura a subi di 126,4% na komienso di aña pa 132,3% for di 31 di òktober 2024. Esaki ta un desaroyo positivo. E ta indiká kon salú e fondo ta, mirá finansieramente. I esei ta trese mas notisia positivo kuné! Nos ta kontentu ku nos por oumentá bo penshun entrante 1 di yanüari 2025 ku 2,5%. Den e boletin informativo aki bo ta lesa mas tokante esaki.

Pa awor mi ta deseá bo hopi plaser ku lesamentu!

Roy Hooker, Atministradó i sekretario suplente


Esaki e Órgano di Konseho i Responsabilisashon ta hasi

PCN ta regla e penshunnan di mas ku 7.900 partisipante, èks-partisipante- i penshonadonan di e dunadónan di trabou ku ta afiliá. Naturalmente ta importante ku esaki ta sosodé bon. Aki e Órgano di Konseho i Responsabilisashon (AVO) di PCN ta drenta den akshon. E AVO ta konsehá e direktiva, na nòmber di dunadónan di trabou, trahadó- i personanan ku tin derecho riba penshun, i tokante algun desishon (den futuro) sea ku a solisitá òf no a solisitá nan konseho. E direktiva ta duna kuenta na nan tokante e maneho hibá. E tres miembronan di e AVO ta representá dunadónan di trabou, (èks) partisipante- i penshonadonan di PCN.



d.r.p.d. Myrurgea Schmidt (Sint-Eustatius), Raquel Granger (Saba) i presidente Elyane Nicolaas (Boneiru).

Bo ke sa mas di e AVO? Wak riba nos [website](#):



Nobo! Asosiasion di penshonadonan Hulanda Karibense

Riba 4 di aprel 2024 a lanta un asosiasion nobo pa penshonadonan na Boneiru. E asosiasion anterior tabatin vínkulo ku e asosiasion di penshonadonan na Kòrsou. Tabatin nesidat di un asosiasion independiente pa islanan BES.

UPHK

E asosiasion nobo yama Union di Penshonado Hulanda Karibense (UPHK). Òf por bisa tambe Vereniging van Gepensioneerden Caribisch Nederland (VGCN).

Bienestar

E asosiasion tin komo meta pa promové bienestar sosial di penshonadonan. Ta trata di penshonadonan ku anteriormente a traha pa gobièrnunan i/òf organisashonnan ku ta relashoná ku gobièrnu na Boneiru, Saba i Sint Eustatius. P'esei e asosiasion ta organisá entre otro akitividatnan sosial. Tambe e ta sali na defensa di e interesnan di penshonadonan.

Islanan BES

E asosiasion ta establese na Boneiru. E promé akitividatnan a kuminsá kaba pa e penshonadonan na Boneiru. E asosiasion ta spera di ámplia su akitividatnan for di



E direktiva entusiasamá ta pará kla pa huntu ku bo logra algu bunita!
d.r.p.d. J. Pourier (sekretaria), A. Frans (miembro), E. Betancourt -Anthony (presidente), O. Cristina (tesorero) i te na man drechi e notario.

2025 pa Saba i Sint Eustatius. Na Saba i Sint Eustatius e asosiasion ta buskando ainda personanan di kontakto aktivo. Bo ta e persona ku nan ta buska? Tuma e ora ei kontakto direktamente ku nan.

Bo ta registrá bo mes tambe? Bo ta mas ku bonbiní!

E miembresia kosta \$10 pa luna. E montante aki nos por retené for di bo penshun.

Bo ke registrá pa e asosiasion? Manda un meil pa uphkbbon@hotmail.com.

Òf yama **+599 717 8370**, riba djamars òf djaweps entre 9'or i 12'or di mainta. Bo ta mas ku bonbiní!



v.l.n.r. Myrurgea Schmidt (AVO lid Sint Eustatius), medewerkers van Bonaire en Sint Eustatius en Roy Hooker.

Enkuentro eksitoso na Sint Eustatius

Despues di Saba (na 2023) fin di luna di ougùstùs aña pasá 27 penshonado a bini huntu den e Elma Building Methodist Church na Sint Eustatius. Nan a haña un presentashon informativo di nan penshun, kiko ta sosodé despues di morto i pakiko PCN ta

invertí. Tambe nan por a hasi pregunta. Akompañá pa un kos di kome i algu di bebe nan a sera kososí despues personalmente ku empleadonan di PCN. E enkuentro aki nos ta ripití na 2025 na Boneiru. Bo ta mas ku bonbiní!

Bo penshun ta subi

Entrante 1 di yanüari 2025 bo penshun ta subi ku 2,5%. Esaki ta e oumento maksimal posibel. Den e artíkulo aki bo ta lesa kon esaki ta traha.



Invershonnan

Si ta posibel, PCN ta adaptá bo penshun kada aña riba 1 di yanüari na e kostonan di bida ku a subi. Sí i kuantu bo penshun ta subi, ta relashoná ku kon bon e fondo ta bayendo finansieramente. PCN ta paga e oumento for di e rendimiento riba invershonnan òf for di rekursonan disponibel. Masoméno 45% di e invershonnan di e fondo ta spesialmente destiná pa esaki. E invershonnan ta duna mas chèns riba rendimiento kontra un riesgo mas haltu di pèrdida.

← Lesa mas di nos [invershonnan](#).

Desishon di direktiva

Direktiva di PCN a tuma na final di aña pasá, a base di e resultadonan di 2024, e desishon pa oumentá penshunnan. Ta bon pa sa: no tin derecho riba e oumentonan aki. Bo ta lesa mas tokante e oumento aki riba nos [website](#). →



Nos ofisina nobo na The Hill Compound

Ku e apertura festivo di The Hill Compound na Sint Eustatius PCN a konklú e restorashon ámplio di e edifisio. The Hill Compound, mihó konosí komo “Lamp House” bou di e poblashon lokal, ta un parti importante di e patrimonio di e isla. E sitio aki ta respirá historia i ta kontené hopi rekuerdo pa e habitantenan. A restorá e estilo arkitektóniko original ku koutela. Nan a transform’é den un kompleho pa uzo kombiná ku tres bibienda i tres espasio komersial. Den nos [komunikado di prensa](#) bo por lesa mas.

Nos a muda

PCN a muda su ofisina pa e edifisio. Miembro di direktiva di PCN Roy Hooker: “Personalmente mi ta hopi orguyoso ku The Hill Compound ta bai hunga un ròl sentral i funshonal atrobe den Oranjestad i ku PCN a alohá su mes den un di e espasionan komersial.”

Bo ta bin wak?

Bo ta curioso di nos ofisina nobo na The Hill Compound? Pasa bin wak un biaha. Nos ta habrí di 8’or pa 12’or di mainta. Bo ta haña nos na Fort Oranjestraat 6, Oranjestad, Sint Eustatius. Nos tin gana di topa ku bo!

Ingra Bennet kontentu den su ofisina nobo!



PCN OFISINANAN

Ofisina di PCN Boneiru

Kaya General Carlos Manuel Piar #5, Boneiru
T +599 717 09 84
E info-bonaire@pensioenfonds-cn.com

Orarionan ku ofisina ta habrí: Djaluna t/k djaweps 8.30 te 12.00 or i di 13.00 te 16.00 or. Djabièrnè 8.30 te 12.00 or.

Ofisina di PCN Statia

Fort Oranjestraat 6, Oranjestad, Sint Eustatius
T +599 318 32 18 / M +599 416 68 60
E info-statia-saba@pensioenfonds-cn.com

Orarionan ku ofisina ta habrí:
Djaluna t/k djabièrnè 8.00 te 12.00 or.

Saba


T +599 416 68 60
E info-statia-saba@pensioenfonds-cn.com

Alkansabel via telefon:

Djaluna t/k djabièrnè 8.00 te 12.00 or.

Onlain

F facebook.com/PensioenfondsCN
I www.pensioenfonds-cn.com



Ki dia por spera bo penshun? Bo penshun ta subi pa mas tardá dia 21 di luna riba bo kuenta di banko. Esaki no ta e kaso? Tuma e ora ei kontakto ku nos. Gustosamente nos ta yuda bo.